

Miene Konfirmationstiet

Herr Pastor Schönfeld hätt mai jefraht, ob ik hier moal wat up platt vatelln kann.

Ik dachte, denn vatell ik wat von miene Konfirmationstiet. Die is nou schon balle siebzig Joare hä. Zweek Joare vo de Konfirmation jingen wäi na de Pasterstunne. Die war eenmoal de Woche in't Pasterhus. Dor mußten wäi ville liern, ut de Bibel un ok ut Jesangbueck. Det näste Moal wurre des Jelierte denn afjefraht. In't zweete Joar hadn wäi denn de Vorprüfung. Die war in't Pasterhus. Geprüft hätt Paster Jürjensohn und dä Superintendent ut Belz Wilde von Wildemann. Ok de Konfirmanden von Reppinicke warn met debäi. Et jing allet juet.

Etliche Wochen späller war denn de richtige Prüfung inne Kirche. Dor warn de Eldern, Kirchenältesten un de ganze Jemende met debäi. Dor war de ganze Kirche vull. Nich wie hiete immer bloß met'n poar Liede. Det war siere festlich.

Vajeaten will ik nich, det wäi ok Rosen jebungen hän. Det warn weiße Bluemen, die wäi ut Krepppapier met ne Stricknadel jeformt hän. Dor jingen wäi bäi jedn Konfermanden na Hus. Dorbäi handn wäi ville Spoaß. Die Rosen met Dannen wurdn denn tue de Konfermation tum utschmücken vonne Kirche jemokt.

De Konfermation war denn in siemzwanzichsten April neinzehnhundertzweeunfünzig. Dän Amd vor de Konfermation hätt jeler dän Wech von de Hus na de Kirche met weißen Sand un kleenjeschnädne Dannen jestreit. Et sille scheen utsiehn.

Dä Paster kam met de Konfirmanden von't Pasterhus na de Kirche. De Jlocken hän detur jelitt. Met Orjelmusike jing et denn inne Kirche bes nat Altar. Dor hielt der Paster seine Prellicht un denn jab et det ierschte Moal det Amdmoal un dän Sejen un de Konfermationsurkunde. Alle handn sich tur den Festtag fein anjetrockt. De Mäkens hadn alle schwarte Kleler, schwarte Schue und Strümpe an un inne Hoare eene schwarte Schlepe jebungen. Wäi waren alle siere stolz.

Noa de Kirche jing et denn na Hus. Namillags kam'n denn noch de Podn met'n Pingel tum Kaffee. Jrote Feste so wie hiete jab et nun no nich.

Erike Lehmann, Reetz